





第四一五冊

四庫全書

●上海古籍出版社

本冊目次

世宗憲皇帝上諭內閣(二)

清允
祿奉敕編
查續編……………一

欽定四庫全書

史部

世宗憲皇帝上諭內閣卷六十五

詳校官左都御史臣李綬

編修臣張履勘

總校官原任中允臣王燕緒

校對官中書臣葉蘭

謄錄監生臣汪兆禹

謄錄監生臣任卿堂

欽定四庫全書

世宗憲皇帝上諭內閣卷六十五

雍正六年正月

上諭十二道

初二日奉

上諭從前撥往河南教習椿婦江南河兵一千名原議回

國裁汰但此兵丁既熟悉椿婦尚可留用今詢河道總

督齊蘇勳據奏南河仍有需用之處此一千名兵丁不

欽定四庫全書

世宗憲皇帝上諭內閣

卷六十五

必裁汰若仍照原數留營差用河工差遣武弁之處甚

多每營止有守備一員亦屬不敷且缺乏武職大員著

添設叅將一員遊擊二員守備十員叅將令其統轄遊

擊令其分管名為河營

初四日奉

上諭年前各省達至雲南俱各奏聞得雪惟陝西並未將

得雪之處奏聞朕甚為注念今聞陝西自十一月十六

日起至十八日俱得大雪富寧安及署撫張係為何不

行奏聞再甘肅所屬地方石文焯亦未曾奏聞布政使鍾保係革職之員不行具奏猶可按察使李元英亦應奏聞著大學士等查問

十二日奉

上諭福建係沿海緊要省分最難料理高其倬過於忠厚

必需精明強幹歷練之巡撫協理方不致貽誤常賚亦係和平謹慎之人自到閩省觀其奏對覺不勝任滇省雖係巖疆而鄂爾泰一人足可倚任朱綱審理楊名時

欽定四庫全書

世宗憲皇帝上諭內閣

二

虧空那移案畢調用福建巡撫朱綱到閩著常賚往滇調補雲南巡撫其朱綱往閩常賚未到任之間雲南巡撫印務著總督鄂爾泰兼理

十三日奉

上諭君臣上下之間必至誠相接始不愧堂堂一體之誼朕待內外大小臣工推心置腹事事至誠從無一毫虛假而為臣者尚忍以偽妄欺詐之意待朕實可寒心其罪誠不可逭宜兆熊乃旗下平常無能之人因其尚忠

厚謹慎荷蒙

聖祖仁皇帝深恩用至福建將軍伊在任亦並無出力報効

之處及朕即位以來伊亦不過平常供職前因直隸總督員缺一時不得其人故令伊署理印務畀以畿輔節制之重任教導訓誨至再至三勉其不及宥其過愆然則朕之恩尚可負乎劉師恕向來過失多端近年屢經敗露朕見其人尚謹慎小心且年力精壯深有悔過遷善之念是以降旨寬宥格外加恩令其協辦直隸總督事務以觀其後效然則朕之恩尚可負乎張迺係年羹堯案內獲罪之人中外所知且又有虧欠錢糧各案法難寬貸朕念伊祖張玉書在

欽定四庫全書

世宗憲皇帝上諭內閣

三

聖祖仁皇帝時効力多年而伊之過犯大約由於年羹堯之挾制不能自主於是赦其過愆復其官爵諄切訓諭冀其成人伊亦感激愧悔奏稱情願竭力報効朕是以用為直隸布政使然則朕之恩尚可負乎魏定國由知州擢用知府朕初見時伊假作醇謹之狀朕謂其為人誠

實可用又經傳敏法海極力保薦是以用為直隸按察使伊上年來京陛見朕察其心術知為沽名邀譽之流並非誠實無偽者曾屢向在廷大臣言之魏定國由微末之員於數年之內擢至大僚且因伊服官効力朕推恩及於其父逾格優待然則朕之恩尚可負乎曾逢聖實係市井光棍由鑽營而至知府甚屬狡詐前者被參虧空之時朕料其歷任叢輔多年自尚有作弊貪贓之款項令該督藩臬等曉諭該地方若果有被屈受害之

欽定四庫全書

世宗憲皇帝上諭內閣
卷六十五

四

人准其據實控告審理以懲貪墨昨聞有老秀才呈告曾逢聖當日居官劣款而張迺將此秀才嚴刑夾訊旋即斃命謊稱在監病故且坐此人以平素積惡之名不思辯冤既奉諭旨誣告自有國法即此秀才果有應得之罪亦當審實奏聞按律置之於法方足以服眾人心豈有訟獄未定曾逢聖之案未結而將首告之人遽以三木畢其性命之理此不過有意袒護曾逢聖惟恐控告者多故先殺一人以箝眾人之口似此慘酷之行

世所罕見宜兆熊劉師怒身為總督若罔聞知負朕任用之恩甘蹈徇隱之咎尚得謂之事君以誠無欺無隱者乎魏定國專司一省刑名乃一任張迺之恣意妄行全不置問及朕面加詰責則將顛倒是非草菅人命之數案全推於張迺而置已身於事外似此姦險巧詐之存心朕深惡之若然則直隸之設立臬司衙門者何為朕之簡用魏定國者又何取乎觀此則魏定國之居心行事乃沽取虛譽之輩而傳敏法海徇庇袒護科甲妄

欽定四庫全書

世宗憲皇帝上諭內閣
卷六十五

五

行保薦其情狀顯然矣諸臣試自思之朕以至誠待諸臣至於如此而諸臣以欺詐待朕至於如此朕安得不為之寒心而諸臣清夜自思亦忍為之乎若不隨其敗露嚴加懲治此風不急張迺魏定國俱著解任著傳敏史貽直前往保定將曾逢聖各案及夾斃秀才情由一秉公嚴審務將實情悉行究出不得絲毫徇隱傳敏既誤薦魏定國於前倘審理此案稍有疎忽瞻顧之處經朕察出定行重治其罪直隸布政使員缺著將山東

欽定四庫全書

世宗憲皇帝實錄卷六十五

六

按察使楊紹補授直隸按察使員缺著將兩淮鹽運使張燦補授山東布政使岳濬將山東錢糧一料理清楚奏聞毫不瞻顧甚屬可嘉朕欲清查山西錢糧著將岳濬調補山西布政使將高成齡解任江蘇布政使張坦麟為人謹慎辦事亦明白但罷局稍覺褊淺聞伊在任與巡撫陳時夏不甚相合此二人皆非懷挾私心彼此矛盾者其中必有一是一非撫藩既有不協之意若仍令共事於地方無益著將張坦麟調補山東布政使其江蘇布政使員缺著將江蘇糧道趙向奎補授

二十日護軍參領郎坤奏奉

奉

旨廷臣各保舉一人但諸葛亮猶誤用馬謖臣何敢妄舉
上諭朕因知人之難始令諸臣每人祇保一人今必以勝於孔明者始行保舉則勝於孔明者郎坤自必知之孔明所用之人盈千累百而乃因其誤用一馬謖即加以不知人之名殊屬乖謬之論郎坤從何處看得三國志

小說來即欲示異於眾輒敢在朕前沽名具奏甚屬可惡著該部嚴審議奏以為此等怪異狡詐者之戒

二十一日巡察御史楊保等奏天津旗兵喧鬧公堂奉

欽定四庫全書

世宗憲皇帝實錄卷六十五

七

上諭天津新設營兵豈容在地方生事此風斷不可長著內大臣侯陳泰刑部尚書德明前往天津將一千人犯嚴加審訊務將實情究出分別定擬具奏都統公鄂齊來京時亦當委員管束兵丁何以疎縱至此著將鄂齊及該管官員俱交與陳泰德明嚴察議奏

二十二日奉

上諭雍正二年朕即諭李維鈞云聞得直隸滄州地方有偷鑄私錢之匪類應嚴行查拏李維鈞回奏已經嚴查該地方並無私鑄保奏甚力今步軍統領阿齊圖奏稱本月內准內務府咨稱番役因公事前往滄州拏獲私鑄之回訖劉七等移送前來隨差千總姜進祿帶領番役前往滄州將私鑄之夥黨悉行拏獲並獲鑄錢器皿

等語觀此則滄州奸民私鑄之弊由來已久而地方大吏漫無覺察今始敗露阿齊圖差官將匪類夥黨俱即捕獲不使漏網甚屬可嘉著將阿齊圖及所差官弁交部議叙番役著加賞賚其私鑄一千人犯交刑部嚴審定擬具奏夫私鑄錢文大干法紀且私鑄不息則錢法不能畫一而銷煅制錢等弊皆由此而生何以便民間之用此事大有關係畿輔近地尚有此等奸民則各省遠方難保必無此弊著通行曉諭再嚴加申飭倘直省欽定四庫全書
世宗憲皇帝上諭
卷六十五
督撫中如有似此疎縱不肯實力查拏者朕留心訪察密差京員緝捕若一經察出必將該督撫照溺職例處分

二十三日奉

上諭浙江原任糧道江國英案內旗丁名下應扣借支銀一十三萬四千餘兩朕已開恩准作八年扣補今查浙省旗丁名下又有造就舢舨船案內應扣銀二萬八千六百餘兩當於兩年內扣清完項朕念旗丁運糧辛苦若

於兩年內扣還舊欠二萬餘兩恐伊等力量不足稍覺艱難著開恩寬作五年勻扣以示朕優恤運丁之至意又

諭內閣九卿等楊名時在雲南巡撫之任七年但以諂媚地方官民為事而民生之休戚吏治之得失全不置問一味虛假詐偽以求眾人之歡悅而稱道之存心卑鄙無耻之極且一味袒護科甲顛倒是非以行其私在任七年僅奏一進士出身之知縣然則通省屬員之多蒞欽定四庫全書
世宗憲皇帝上諭
卷六十五

任七年之久而科甲出身屬員內只有此一知縣應行參劾此外皆係實員無劣蹟之可糾彈乎即此一事楊名時之居心行事天下後世自了然知之矣從來迎合上意者謂之諂媚小人乃聖賢之所不取蓋謂君臣之間尊卑之勢相臨難於徑情直行尚不當委曲迎合以失為臣之道其他權要同官與屬員紳士兵民不必言矣豈有卑污下賤諂媚同官諂媚屬員及所轄紳士兵民以求得其歡心者謂是當然之理乎若迎合上意則

以為非諂媚衆人則以為是此則冠履倒置以百步而笑五十步豈聖賢之明訓耶楊名時只圖一己之虛名而不知綱常之大義其心實願父為瞽瞍以成己之孝君為桀紂以成己之忠君父且不顧豈尚計及於吏治民生乎夫以盜名之邪念至欲以君父成己之名在家則為逆子在國則為逆臣矣天理尚可容乎其罪尚可寬乎况巡撫統馭全省賞罰政令皆出其手若要結衆心何求不得而楊名時乃曲盡諂媚之術以博衆口之稱料滇省之人必悉為其奸詐之所籠絡煽惑而必先去後之思若然則不知有是非之公不知有國家之法而令欺世盜名者轉為得計此則甚有害於人心世道者著總督鄂爾泰通行曉諭使滇省之人共知楊名時平素之奸偽巧飾於伊奉旨起身來京之時相率而賤辱之倘仍有為其蠱惑而禮貌附和之者著鄂爾泰查拏究治朕亦再加訪問楊名時既能欺世盜名則朱綱之東公審理楊名時各案自違拂衆人之私意或有違

二十七日奉

作謗語捏誣無名揭帖以紊亂是非者亦未可定著鄂爾泰嚴行緝捕一面奏聞一面懲究朱綱東公執正毫不瞻顧可謂實心扶持風化之大臣伊起身赴闕之時滇人當尊敬盡禮以榮其行方為公道朕恐邊遠之人愚昧無知受楊名時之欺騙日久而不覺故明白曉諭開導之鄂爾泰奉朕此旨可沿路通行曉諭倘不能實力施行朕另有訪聞將鄂爾泰一併議處

上諭律例之設乃詳情察理揆度至當而後定者也審擬罪案之時應引某條則引之斷無輕重任意之理亦無介在兩端之理常見外省本章及法司議覆疏內往往有先引一例復云不便照此治罪更引重罪以坐之以此兩說載入一本此乃臣下巧於營私之陋習或欲以嚴刻之名歸之於上而為此語或希冀法外之恩倖邀開脫而為此語均非讞獄明允之道從前已經降旨禁止乃去冬刑部本中猶有此陋習夫治獄之道貴乎得

平而司刑之官在乎執法今以一罪而引兩律則是法無一定而獄不得其平矣豈朕明刑弼教之至意乎嗣後若再有兩引條例者外省督撫提鎮本章著通政司駁回將情由叅奏三法司本章著內閣駁回將情由叅奏若所犯之罪當引輕律而故意坐以重罪亦難逃朕之洞鑒內外執法臣工各凜遵毋忽

二十八日

諭雲貴總督鄂爾泰覽安南國王陳謝本章感恩悔過踴躍拜命情詞甚屬恭順該王既知盡禮朕亦便可加恩

欽定四庫全書

世宗憲皇帝上諭內閣
卷六十五

十三

著將此四十里之地仍舊賞賜該國王特頒勅諭一道令杭奕祿任蘭枝貴往彼國宣諭朕意但思朕既加恩外藩亦當俯從民便倘此四十里內所居人民有情願遷移內地居住者可加意資助安插目今滇省現有開墾地土之事即令伊等受田耕種務使得所其情願仍居外地屬安南管轄者亦聽其意

三十日江西巡撫布蘭泰舉報熊應璜入祀鄉賢奉

上諭前因舉報鄉賢之典甚屬冒濫故令各省查核以重

祀典今若不加意慎重必致仍開冒濫之端據本內稱熊應璜出宰壽陽輕刑禁耗士民感頌等語查熊應璜在任未及二年為期不久其輕刑未知所輕者何刑而禁耗亦是遵奉諾岷教令職分當為通省皆然者此外善政及民士民實心感頌者更有何事果克膺鄉賢祭祀之典與否有無實據著行文山西巡撫查明回覆到日再行請旨

欽定四庫全書

世宗憲皇帝上諭內閣
卷六十五

主

世宗憲皇帝上諭內閣卷六十五

欽定四庫全書

世宗憲皇帝上諭內閣卷六十六

雍正六年二月

上諭三十五道

初三日禮部題明朝鮮國補進貢物奉

上諭朝鮮年貢之例每年貢米百石朕念該國路程遙遠運送匪易著減去稻米三十石江米三十石每年進貢江米四十石便足供祭祀之用將此永著為例著行文欽定四庫全書

該國王知之

初四日奉

諭諸王滿漢文武大臣誠親王允祉平昔嗜利營私詐贓繫繫經戶部及管該旗事務果郡王等東公清查允祉不知愧恥轉具摺陳訴於朕前朕召入問云果郡王辦理鑲藍旗事務毫無瞻徇出於至公爾轉以彼為非然則實心為國者果非乎且謂伊與爾不合伊果與爾不合爾又何由而知誠親王奏云聞之於巴顏德及朕詢

問巴顏德巴顏德不靜聽朕旨率爾對曰全無影響臣並未向誠親王妄出一語誠親王又復展轉支吾奏稱聞之於蘇白赫蘇白赫聞之於巴顏德色穆德二人怒形於色仍怨謗果郡王及都統綽奇等不已出言甚覺無禮在傍之諸王大臣目覩其狀合詞具奏請將伊交該衙門嚴加議處朕令伊明白回奏今伊具摺回奏前來朕觀前日巴顏德情形急遽無序噉噉有辭必有與伊干涉之處其為虧心狡辨灼然無疑著革職與蘇白

欽定四庫全書

世宗憲皇帝上諭內閣卷六十六

赫一同等問質審都統綽奇辦理此事不徇情面甚屬可嘉著該部議叙具奏副都統常在亦係辦理旗務之人今誠親王只怨綽奇而不及常在則其但知畏懼誠親王而不以國家之事為事顯然可見常在平日事務求悅於眾公事並置之不問伊受朕深恩與眾不同理宜感恩圖報今伊行事如此甚屬負恩不如懲治無以為負恩溺職者之戒著革職等交刑部治罪王大臣叅奏允祉之摺並伊回奏之摺暫行收貯俟過齋戒日期

王大臣等會同刑部將鑲藍旗滿洲都統叅奏之迷舒齊武等及永泰家人保德等究審明白一併具奏奏時將此二摺請旨

又雲貴總督鄂爾泰題叅彌勒州知州伍綱昌謀墮蒙化府同知奉

上諭所叅伍綱昌著革職黃先齡著革去監生其營謀撞

騙等情及本內有名人犯該撫一併嚴審究擬具奏鄂

爾泰叅奏此事甚屬可嘉各處督撫有舉劾之職朕又

欽定四庫全書

世宗憲皇帝上諭內閣
卷六十六

三

令其保薦所屬官員以天下之大官員之衆其中豈無

一二不肖之人鑽營上司希圖倖倖者若該管上司果

能據實題叅則衆人知所畏懼杜絕私弊屏去邪心於

吏治風俗甚有裨益數年以來朕甚望天下有此秉公

持正之督撫乃竟未見一人今鄂爾泰此奏誠不愧公

正大臣之道夫為大臣者持躬律已雖可以自信無他

而戚友家人及屬員胥吏各色之人甚多斷難保其必

無招搖生事惜名撞騙之弊其為大臣者既不能用心

覺察於平時及至敗露之後又復姑容隱忍妄謂化有

事為無事化大事為小事以博寬厚之名其為害於人

心風俗者不淺且摘發奸弊懲一儆百乃整飭官方之

要道豈得謂之多事豈得謂之苛刻豈得謂之瑣碎若

好為容隱行其私惠小惠徒使此輩作奸犯科之人感

恩得志而已其於良善毫無裨益非聖賢之道也年來

在內惟怡親王察出屬下作弊之人即行叅奏而在外

則僅見鄂爾泰此事此皆能訪察於平時而又不徇隱

欽定四庫全書

世宗憲皇帝上諭內閣
卷六十六

四

於事後者大臣等皆當以此為法著行令各省督撫知

之

又奉

上諭據鄂爾泰奏稱石阡府知府員缺奉旨著臣題補今

查現在無合例之員相應請旨揀補等語凡係奉旨題

補之缺與尋常照例題補者不同若應陞官員內無合

例之人即應將不合例而可以勝任者題補但將不合

例之處於本內聲明具奏請旨如此則要地可以得人

亦不至稽遲時日矣將此通行各省督撫知之

初五日奉

上諭果郡王為人甚屬直樸謹慎品行卓然朕即位以來命王辦理理藩院及三旗事務數年矢志忠誠毫不顧及已私執持正理繫不瞻徇贊襄朕躬允稱篤敬王微有弱疾雖偶爾在家調養而一切交辦事件仍然盡心料理即近日參奏誠親王一事亦非常人之所能者且從前待隆科多並不屈讓甚屬可嘉較之誠親王之欽定四庫全書
世宗憲皇帝上諭內閣
卷六十六
五
待隆科多年羹堯越禮致敬作諂媚卑污之舉動相去奚啻天淵今承我

聖祖皇考六十餘年至聖至神化洽宇宙之恩普天共享昇平固無庸似昔年諸王効力於行間朕以為若能盡心為國備極忠誠恪守臣子恭順之道較之捐軀委命敢蹈白刃者其人為尤勝其事為尤難著將王晉封親王為朕之子弟及世世子孫之表範其一應典禮著該部查例具奏

又奉

上諭據高其倬奏稱臺灣南路營參將員缺請於記名人員內欽簡補授等語凡屬水師記名人員俱已用於閩廣二省安得尚有未用之人如李春楊恩即係朕所記名者李春尚未到烽火門之任楊恩亦到任未久今因水師要地需人只得將此二人補授非另有深知之人而不用也督撫大臣於該地方應題要缺平時當留心人材遇有缺出擬名具題朕若另有記名之員人地甚欽定四庫全書
世宗憲皇帝上諭內閣
卷六十六
六
相宜者自然於伊等具題到日批出乃若將應題要缺盡推諉於朕是誠何意著飭行

又奉

上諭據孔毓珣奏稱龍門協副將景慧奉該管總兵官調取考驗遭風漂沒又該協右營把總謝廷彥輪值冬李遊巡帶領兵丁泛海亦被風漂沒等語聞之深為憫惻查康熙五十二年內福建臺灣廣東碣石有海洋遭風損傷官兵之事蒙

聖祖仁皇帝特頒諭旨令地方大吏加以恩卹並令嗣後通

行但向來未嘗分別官兵詳著為例恐地方官奉行不力或至日久廢弛亦未可定朕思海洋危險之地凡官兵兵丁等若因公事差遭風受困者當照軍功加恩倘有不幸至於身故者當照陣亡之例優卹再漕運船隻在大江黃河危險之地遭風漂沒者亦係因公情實可憫又如黃河下埽之人辦理工程不惜身命均當比照軍前之例定以恩卹之條著九卿分別詳細定議具

欽定四庫全書

世宗憲皇帝上諭內閣

七

奏景慧謝廷彥及兵丁等應如何加恩之處一併議奏

又戶部侍郎法寶等奏錢局匠役潘士花等聚眾喧嚷奉

上諭匠役人等食物短少剋扣之處如果稟明監督而監督等置之不理其罪自應歸之監督嚴加議處若不曾稟明輒敢聚眾喧嚷則刁風斷不可長應將匠役人等嚴加治罪著交與提督阿齊圖會同該部審明定擬具奏

初六日奉

上諭

闕里興修工程已經三年何以至今尚未告竣大學士等可寄信與巡撫塞楞額令董事諸臣實心料理務使堅固昭垂永久毋得惜費省工耽延時日報竣之後朕或親詣展禮或遣親王大臣前往俟再降諭旨

又奉

上諭朕惟風雨時若百物繁昌皆由誠敬感格

欽定四庫全書

世宗憲皇帝上諭內閣

八

天心用能福佑下民時和歲稔而司天號令長養阜成

風神之貺厥功允懋頻年以來朕虔祀

龍神有祈必應其福庇蒼生者歷有明驗因思古稱雨暘燠寒以風為本亦宜特隆祀典以答洪庥考之周禮大宗伯以禋燎祀風師虞書禋于六宗劉歆鄭康成之說咸謂六宗之內風其一也歷代各置壇兆至宋祥符間曾立風伯廟近代及本朝俱列

南郊四配之中典禮具備今欲於都城和會之地特建廟宇

因時禱祀以展朕為民祈福之誠應如何考據禮儀相度營建之處著禮工二部會同內務府詳議具奏

初七日奉

上諭前貴州貴東道李日更摺奏今歲黔省自夏徂秋民食甚艱竟有連日不舉火者各府米價甚貴每石一兩六錢至二兩不等何世璠隱匿並不陳奏且時至臬司衙門置酒宴會互為賓主置百姓呼籲於不聞等語朕覽李日更所奏因係屬員奏奏上司體統所關不便將欽定四庫全書

世宗憲皇帝上諭內閣
卷六十六

何世璠詰問俟另行訪察確實與否再降諭旨並將李日更調取來京面加詢問朕心原未肯遽信也今觀何世璠新奏三事甚屬巧詐且無恥之甚實有玷大臣之職即如貴州地方向來受兇苗之害久矣從前石禮哈奏請用兵而何世璠陳奏力言其不可經朕降旨切責何世璠始具奏認罪今鄂爾泰等將烏蒙等素難攝服之兇苗悉行勦撫是以黎平接壤之謬冲等苗陸續就擒其餘皆聞風畏懼抒誠嚮化此雖會同楚省辦理實

鄂爾泰之功也今何世璠將他人辦理就緒之功攘為

己功並無一字提及鄂爾泰且覲顏自述其調度之方並敷陳其善後之策而全忘其從前畏縮阻撓之語大言不慚莫此為甚又如貴州官莊學租米穀一項向來陋規名為散給貧寒之用而實為巡撫司道衙門之供應石禮哈摺奏將米變價以為各官之養廉此就貴州本地情形斟酌辦理者也今何世璠奏稱仍以此項之米穀為散給貧寒之用夫通省地方甚廣人數甚多何世璠此舉徒有散給之名而無散給之實是石禮哈之改為養廉者欲與眾官公用此米穀也何世璠之指稱散

欽定四庫全書

世宗憲皇帝上諭內閣
卷六十六

十

給者欲巡撫一人獨據此米穀也蓋不但沽名而且併收其利矣又何世璠奏稱今年通省收成十分豐足間有數處八九分不等米價甚賤每一市斗價銀一錢合倉斗則一斗五升不止等語較之李日更所奏則大相懸殊李日更所奏或有過甚之處然伊身在地方豈敢以全無影響之詞見之奏摺今何世璠以十分豐收粉

師陳奏則將百姓疾苦隱匿不報之處顯然何世璠已降旨調取來京著將李日更奏摺一件何世璠奏摺三件存貯內閣俟何世璠到京之日大學士九卿將此詢問令其明白回奏

初九日雲貴總督鄂爾泰奏報歸化苗民冊籍奉

上諭前因長寨後路克猛等處生苗向化輸誠歸附版籍所有在事官兵應行議叙賞養者已著鄂爾泰分別等次具奏今又續報歸化生苗戎長冗壞等寨冊籍甚屬欽定四庫全書

世宗憲皇帝上諭內閣
卷六十六

十一

可嘉據鄂爾泰奏稱提督楊天縱辦理苗疆事務實心効力勞績懋著等語著賞給拖沙拉哈番以示優獎其在事官兵俱著議叙賞養交與鄂爾泰一併分別等次具奏

十一日奉

上諭兩淮商人感戴朕恩急公念切數年以來將正項及帶銷銀兩俱照數全完又捐銀數十萬兩辦理地方公事甚屬可嘉今因揚州修濬水利工程又請公捐銀三

十萬兩以佐公費朕聞之心甚不忍此衆商効力之處或係伊等力量寬舒實心踴躍合力捐輸以報國恩而襄公事或係地方大臣官員等投意商人而有此舉著詢問衆商令其務將真情據實呈明該督再行具奏請旨

又戶部等衙門奏清查虧空錢糧奉

上諭清查虧空案件若不將差往之員預定考成恐伊等怠玩從事且地方督撫若不與欽差官員一體考成使欽定四庫全書

世宗憲皇帝上諭內閣
卷六十六

十二

之功過相同則必有推諉等弊於公事無益此本內未會議及著再議具奏又本內奏稱江南浙江二省虧空甚多應先行清查等語江南現有巡察御史浙江現有觀風整俗使二省再各派一員同往辦理該部將滿漢京堂科道職名開列請旨又聞江浙近海地方偷運米石出海之弊尚未盡除亦交與派往之人一併嚴查毋得疎漏

十五日